

涇野先生文集

涇野先生文集卷之十九

記三

紹文堂記

紹文堂者何、無錫俞諫議恭之堂扁也、堂何言紹文也、紹前人之文以示之后耳、始祖貴四、早嘗早昧抱經而隱其文、樸以靜、曾高祖安、一心主忠信、身行謙退、誣入尺籍、以德而削其文、恭以孚、高祖德惠學究經術、官舉人才、遭世不靖、未竟厥志、其文默以烈、曾祖宗海抱痛讀書、未獲永年、其文儼以恪、厥祖友梅

又必言
所以紹
明俞氏
亦永先
八矣百

篤于脩已不求人知恭而有禮沉而有容耄耄稱道
不改其初俞氏之孝誕弘于茲其文敦以確厥考味
泉厭厭經史旁疏諸藝凡所諷詠自情而發從遊百
數多底於成爰及厥弟亦克有立其文博以達然則
何貴四安一云爾也曰名字也友梅別號也宗海之
于恭也味泉亦別號也友梅之子謙也紹文而始于
貴四者何俞本汴人宋氏南渡始籍無錫其譜亡矣
貴四當元始有考焉爾何以不及支派也諫議實生
於味泉自紹文而言貴正宗也然則諫議之紹之者

人竿頭
更進一步
先生之
愛人之
無已也
如此文

佳事
佳文

如之何質直而不固。斯可以紹朴靜矣。蚤舉甲科。拾遺瑣闥。積誠而動主。言必中。會竭力回天。罔或煩越。斯可以紹恭孚矣。篤而定。斯可以紹默烈矣。昂霄凌雲。斯可以紹傲恪矣。報國如家。守學不渝。斯可以紹敦確矣。糾率寮案。共濟舟楫。敷時休德。種此四方。斯可以紹博達矣。癸酉

仇氏同心堂記

同心堂。此上黨仇氏丈夫會飡之堂也。仇氏世處潞州南雄山東。火自其高祖。給事君肇開厥家。至宿州

第此記
未作五
世同心
不知作
此記后
視未記
時何如
故篇諄
諄傳曰
子孫賢
旌乃奄

吏目梅潘潘儀賓森盖五世矣家衆汜百指未析也
於是考鍾而食家範成鍾八聲内外升有序堂聽訓
鍾九聲丈夫財食構同心堂一家之人本同氣也本
同氣則本同心心氣之主也故以約氣血綴骨肉聯
族屬流恩愛秀禮讓續前休迪嗣續咸知于此如心
同以居四海九州可也况于家乎夫二人異姓也同
心雖黃金可斷君臣義合也同心雖天命可永况于
父子兄弟乎夫祠堂尚孝宗子尚賢家長尚公典事
尚能冠婚喪祭尚敬男教尚義女教尚順家庭尚肅

族類尚睦。田宅尚勤。錢穀尚量。飲食衣服尚儉。賓客尚恭。預防尚智。此十有六範者。非同心惡能有之。如心同。雖以範四方可也。況于家乎。昔張氏以忍處九世。花樹帝氏以會處數世。近世鄭氏以義處十餘世矣。夫忍必有所不安。會必有所不合。義必有所不利。然猶勉焉。十餘世不衰。若同心則又焉有不安與合與利哉。雖百世可知也。於戲仇氏之子。其志於仁乎。嗣是之來。哲其永念。厥初苟不紹舊德而興異心。雖富如陶朱。君子以為守錢虜也。於戲仇氏之子孫。四

方于爾觀焉予言其事而請記者寺丞李升之堂

全終堂記

都察院右副都御史南山周公公瑞弘治末年養疾山間正德戊寅七十有四考終于家

武宗毅皇帝勅禮部致祭壇工部具葬費而江西叅議陳君墀奉命寔來庚辰正月七日其子中府經歷讓等安厝於州東太鄉六都逸山後依崇崗兩山夾峙脩江襟帶其前於是遵制為域周垣百堵建亭其中祇奉

按公生平俱從制誥中
能為國
集事在
在成績
名位亦
竟無恙
公其有
萬全之
智者乎
序中盡
其艱難
底裏真
淡墨描
龍可任
功臣也

皇言乃作堂三楹春秋奠祀在亭之南其左則神道
碑少傳大學士遂庵楊公所撰者也君子謂公歷官
中外清白一致卒沐殊恩光前蔭後遂名其堂全
終而衛經以記來問柙曰嗟乎終之難全也昔曾子
啓手足以示全著戰兢也子張呼申祥以告終幸庶
幾也然地有仕隱則身有行藏要其為終皆不可苟
也夫公自筮仕以來細者勿論其所遭之事最難終
者有六歷官兵部清戎內外得卒八萬皆可歛怨而
速禍難終也然不歎茂著而余馬二公相繼稱獎允

有秦章且與叅謀其在浙江杭州之滯獄千人嘉湖
之餓殍萬計武康德清安吉之盜賊及郡縣杭嘉湖
之圩岸崩塌殃遍畝畝難終也然或訊奸而釋寃或
糴富而勸分或懸金以傳魁或石岸而濬港無弗立濟
者也布政河南出納之羨至四十七萬有奇雖至潔
者難終也然皆悉登之籍無或少私焉弘治戊午乃
陞右副都御史巡撫甘州初

太宗皇帝封元後脫脫為哈密忠順王傳至天順間
國王死無子母監國有土魯番者襲奪其勅印其部

落奔居甘肅至

孝宗皇帝嘗遣大臣經畧之亦無功未幾哈密擁衆
立陝巴復被虜去承其後者難終也公至即脩武備
建議絕貢放其使臣於瘴鄉於是土魯番畏服送陝
巴及勅印於甘州公復奏冊封陝巴并賜蒼土魯番
之禮又奏以奄克孛刺從女為巴妻於是諸部悅服
遣使入貢

上齎賜金幣以彰殊績及其調內巡撫陝西也達賊
小王子擁衆十餘萬入河套侵薄延寧

朝廷遣專官統京兵二萬五千出至延綏饋餉仰給于陝然皆坐食不戰恭順侯吳某者提兵防河聞賊勢猖大亦移疾還省虜遂猝入鎮原柳征川當其處者難終也公既轉輸延綏効罷吳侯而又以土兵千二百人襲走萬虜虜侵固原固原先備虜侵平涼平涼先城虜遂殺謀者而去而公所獲賊級以百計人畜以千計器物以萬計也薊州草場地數千頃內監京營民產相雜自成化中互爭文武大臣科道數勘不定

孝宗皇帝知公才望調改巡撫然持節臨難終也
公至請官會勘躬臨量度取景泰中案草判之明予
牽正疆界不少遷就䟽入而

上覽至日昃曰草場自此無訟矣况公所遭之人其
最難終者又有三在

憲廟時寵宦汪直梁方李孜省皆欲援公為助公委
曲辭解而稱謂亦不失正比直方孜省既敗他人多
貶斥而公獨不污以終在

孝廟時陝西鎮守大監劉琅懼公來陝巡撫寓書中

貴以沮之然公之才望見知

君相中貴不能移

也乃反調琅於他鎮而公更見重於琅以終在

武廟時劉瑾肆威毒害縉紳雖以他事註誤公罰米數百而公竟無可疵咎以終此三者尤人所難能也然則扁全終堂者之君子其亦深知公乎蓋公生應祖夢諱曰季麟少治毛詩及春秋精思勤誦夜或不寐鄰染為之罷礮既藉郡庠提學校稱選入白鹿書院益諳理性中遭家變躬事薪水膳價過例拒而不受事覺獨免及其鄉舉之年江漲適涸遂為寧識若

夫順以事可安孝 以事梅月友以誨公儀慈以訓
諸子若出天性然則公之全終也亦其善始者乎周
氏子孫其知所以世守其風哉。

定性堂記

定性堂者岑山書院中之講堂也初岑山先生程侍
御良用爲秀才時常偕同志讀書岑山篤志正學謂
洛陽程子論道定性爲要其於經籍微旨聖賢奧義
盡在於斯遂扁厥堂朝夕請事既舉進士推府汀州
擢職內臺清戎兩浙皆以所學於是者行之雖遇權

姦勢豪廷諍便便不一齟齬卒官之後民頌其政士
思其德於是徽守鄭君王采取輿論呈諸巡撫陳公
文明乃即侍御之號建岑山書院云於內起定性堂
其後立侍御祠室以詔來學至是其子進士默來南
京問記且曰今之學者不於內則於外於外者窟塞
於內者荒唐則何以謂之實學嗟夫定性之說橫渠
張子問於先晦菴朱子釋於後固已悉矣又何謬但
其書曰猶累於外物者言失其內也曰惡外物之誘
言失其外也故性之德合外內之道也故在外之

如是而
后性非
急宜定
非寂滅

物其理皆屬於在內之心。在內之心其理皆通乎在
外之物。不可以物爲非我也。反身而誠。樂莫大焉。孟
子之說也不可。以心爲無物也。盡已之性。則能盡物
之性。子思之說也是。故有聖人之事。焉。有學者之事
焉。廓然而大公。物來而順應。其喜怒哀因物之當喜怒哀
者。聖人之事也。心求其大。公物思乎順應。當其怒時。
遽忘其怒。而觀理之是非者。學者之事也。今以聖人
之事。而語學者。是中人而語上也。茫無所進矣。今以
學者之事。而語聖人。是上人而語下也。泥不能明矣。

天程張朱皆大賢也。故其論皆已幾於聖。初學之士。其必自學者之事始乎。不然岐徑一差。幾何不爲。入定出定之禪乎。張濟言。岑山去郡城一舍。壁立中江。障堤率水。卑視群岫。撐柱穹蒼。左右縈流。遠與金焦爭勝。已有定性之云。故侍御取以自號。而書院亦以是名於其堂。遂昭然扁也。

衍慶堂記

衍慶堂者。錫山鄒邦美甫之所構也。先世文忠公浩以直臣鳴。宋其弟洞亦有兄之風焉。而未仕也。乃

一字該
盡出處
根脚未
備曰剛善
莫如直

爲其慶以遺子孫至我

明有靜脩氏者遂作堂所居之左扁曰承慶五六十
年矣其孫尚以厥考智卿遺命別爲堂其右扁曰紹
慶智卿諱愚號拙隱生四子而甫其季也紹慶後析
爲尚之產甫遂於紹慶之南又作堂焉扁曰衍慶蓋
亦智卿之遺意也夫堂以慶名本易以積善建也故
善有餘慶不善有餘殃鄒氏自文忠公兄弟以來殆
千百年矣其子孫皆番庶碩大彬彬焉侃侃焉雄於
錫山者非其善也而能有如此之慶乎夫慶固不外

於善而善在鄒氏者亦不外乎直人之生本直而況
文忠公兄弟以直開有鄒乎故出而仕者直則進言
必正守官必廉奉法必公處僚必讓御下必惠有益
於君民而爲國之慶也處而隱者直則治行必端臨
財不苟脩業必實居族必睦處鄉必義有益於子孫
而爲家之慶也若徒以慶名堂而善不足以潤是堂
焉非邦美之本心也凡爾有鄒子孫其勗諸

嘉樂堂記

嘉樂堂者錦衣徐東園子所構冢宰白巖喬公所題

世祿之家
鮮克由禮
東園子有
履道之風
乎今以詩
酒交情者

則何以言嘉樂易曰亨者嘉之會也。君子嘉會足以
合禮故曰嘉禮。曰樂者樂也。君子樂得其道故曰樂。
故嘉而不樂則其嘉必不恒猶夫不嘉也。樂而不嘉
則其樂必不真猶夫不樂也。既嘉且樂君子於此以
定禮而觀道也。夫東園子者中山武靈王之裔孫
也累葉勲戚亦云貴爾錦衣席餘蔭綏厚祿亦云富
爾乃富貴雙遺驕泰並忘既篤循墻亦嚴茹素皆可
謂幾於禮矣乃猶自視歆然每懷靡及夫東園子持
是心而不已也豈有不底於嘉者乎於是日臻暇豫

都人士艷
慕之侈然
於文墨之
位列嘉樂
君子哉此
記如焦尾
之琴清音
聽

歲履優游既鮮憂懼亦寡局促興至則詩賓至則觴
宜乎其樂之若此也或曰古之言嘉者多驗於人其
論樂多以貧而見故嘉客嘉賓著於白駒鹿鳴之什
帶索而歌乞食而詠則榮啟期陶淵明之輩今表於
東園子堂不亦左乎曰嘉在交會之間初無賓主之
別樂在心體之安豈有貧富之分使東園子以富貴
而樂也誠難與論嘉如其不以富貴而樂也又何必
與榮陶等而後然哉隨之九五曰孚於嘉吉言嘉之
道必有諸已而能乎焉斯為可樂而吉也吾固知東

園子顧諟茲扁一有不嘉即不快於心必其念之
興身之所接盡於嘉孚乃然後泰然樂以無窮也堂
成於某年月日在

高皇帝賜第之左南面凡若干楹近大司馬浚川王
公亦有記

鎮鄖樓記

邢臺人三君震太守鄖陽四年矣胥史法百姓安盜
寢無事乃正德甲戌春正月以鄖中譙樓先火乃築
基如閣甃以甃洞門橫達門涂方軌基廣七筵五分

海內如
鎮海鎮
戍樓之
類皆托
名也不
然何耶
甲近日
之事亦
有大不
鎮者它
可例矣

筵之三深以五筵崇二仞旋楹其上二十有八箇崇
四尋三分尋之二復檐連甍重栴累節丹牖朱檻虎
軒翬桶處此鍾鼓以告人晨昏夏六月落成初撫治
鄖陽都御史劉公琬肇建斯樓名以鎮鄖後合肥人
張公淳東平人王公憲相紹撫治咸符劉志太守克
承其下斯樓乃考乃使使二千里取記史氏高陵人
呂氏曰斯樓木石積也惡能鎮鄖哉諸公托言耳往
年趙鏐諸寇劫掠竹山鵠醜西侵竹谿房縣也鄖雖
東有方城黎子舉南有天馬西有九室石門黃竹之

鄖陽縣
錢氏諸
公不陟
鄖地里
耳此友
稍識大
既而亦
諸曉事
情曾見
鄖鎮處
碑則多
甲兵錢
谷之司
信所為
鎮皆有
在也樓
之有無
無妨

險亦爾。挫兀不鎮，矧斯樓也。當是時也，微太中，中于下，諸公續撫于上，鄖幾不有鎮。鄖者，其在諸大夫乎？故以慈惠鎮鄖，則鄖親；以紀綱鎮鄖，則鄖理；而不亂以忠信鎮鄖，則鄖慙；以禮俗鎮鄖，則鄖雍睦。以什五鎮鄖，則鄖有勇；內不虞變，外不怵寇。斯鄖人瞻諸大夫若斯樓矣。不然，樓百丈高，奚為？昔者楚子商臣滅江，六庸爾橫也。麋子師百濮，次于選，楚人謀陟阪高以避夫。鄖故麋也。我

憲廟乃立郡焉。然諫荆襄距楊越通川陝，隣徐豫四

省之交。萬山之會。江漢之津。金錫之穴。流離之聚。風塵之所也。諸大夫之在斯也。其上者則克斯撫。其下者則克斯牧。豈惟鎮一鄖哉。斯皇圖之大賴也。不然。百姓聞樓鐘鼓之聲。固有蹙額者矣。於是介者持以告太守。鑄諸石。又以告嗣治鄖者之諸大夫。

悔齋記

爲崔子仲鳧索作

涇野子曰。君子之志於道也。其求已也。惰悔。銳悔。歇悔。泄悔。遺悔。欺悔。襲悔。迂悔。治悔。漫漫爾悔。執執爾悔。怠滯爾悔。粥粥爾悔。束束爾悔。自是悔。自畫悔。其處

凡悔易
言凶惟
避世不
知不悔
者君子
也此記
不可不
記

人也。亢悔、軟悔、慢悔、諛悔、矜悔、譎悔、可詒也。悔、隨悔、
忮悔、求悔、觸觸爾悔、訐誣乎人悔、狎侮于人悔、毀悔、
譽悔、其求權也。重悔、輕悔、高悔、卑悔、隱悔、露悔、進悔、
退悔、同悔、異悔、既過而悔、悔無悔者吉。不悔者凶。數
悔者憂。憚悔者吝。更悔者勇。滯悔者懦。吝懦近凶。憂
勇近吉。憂存明。勇存敬。明敬存乎志。

首山記

首山者大叅王公拱之之別號也。拱之襄城人。首山
在襄城南三百里。其西為具茨。又其西為紫雲。又其

仙人樓
閣峯崖
九萬里
凌風露
而摘星
庭而丹
楹碧瓦
未嘗不
當人眼
而手可
攀足可
蹠此父

西北為高高為少室為大行西華群山峯嶺咸胎於
此故首山云山陰舊築別墅南面墅皆名木善卉
春夏翳蔚悒悒久亦蒼翠三槐慢庭門耀五柳幽窈
與爵恍若洞天其東南則王氏佳城密邇乾明寺松
檜森矗蔭接別墅汝在別墅之北適別墅則濟汝汝
北有潁潁至襄城曰渚河渚河與汜駢而行東漁昆
葉水也亦與汝汜渚河襟帶首山拱之當其隱而未
仕也日遊茲山南望桐栢西瞻具茨北眺嵩少以周
覽汝潁汜渚於是吊七聖之迷問洗耳之故訪漢史

似之先
生國進
首山千
道也

之遺傲莊列之夸。錫考叔之類。開縹緲之戶。思子產
霽越之烈。乃辭首山渡潯而涉易。壯至于恒山。棲栖
鳳闕之下。啓青鎖。駁黃麻。封皂囊。嚴廊之俊。稱忠直
馬拱之曰恒山。雖榮不若首。陽樂已而西往。三千里
至于太華。遂適遊終南。惇物崆峒。賀蘭。汲黃河水。灌
甘棠樹。騰涇渭。灋汝漆沮。以膏黍田。旬宣之際。雖因
于虜寇。而不怨西周之地。稱清惠焉。拱之曰太華。雖
高不如首。山逸涇野子曰。我知拱之矣。蓋欲自茲首
山。遵淮而東。渡汝濟。超徐兗。登太山。而觀滄海。拭日

月之垢。瞰螭龍之窟。斯歸休乎首山耳。果若是則斯首山也。真可以首天下山矣。

容菴記

汝泗沱潛
皆稱津唯
江海稱巨
津焉此之
為記記其
至巨者也

辛卯之秋。徽府學生程爵。赴應天鄉試。不第。將歸。見其父容菴君。其友胡大器曹廷欽。因請作容菴記。則問之曰。何以謂之容菴也。兩生曰。容菴先生尊賢禮士。好善能施。予襟度宏闊。古所謂汪汪千頃陂者。當其器識。亦殆庶幾乎。是故以容名菴。蓋以著其志云。則又問之曰。兩生亦嘗學斯容乎。當其龍容也。如舜

之容象。禹之容有苗。孔子之容桓魋。孟氏之容臧倉。如天之無不覆。如地之無不載。不亦可乎。當其不能容也。管叔而誨周公。張耳而毒陳餘。公孫弘之逐仲舒。林輔之間九齡。安石之黜君實。若苗之有莠。若粟之有秕。不亦不可乎。而生曰。然則所謂不容何病。不容然後見君子者。非歟。曰。在外者不可必也。在我者不可小也。然則何以學容。曰。同人於野。然則何以學去不容。曰。無我。二三子皆微士也。爵又在容菴庭訓之下。宜皆從事於斯乎。容菴凡三稔。建在嘉靖某年。

月日

耐齋記

耐之受
用極廣
可謂佳

耐齋者何石州二守鍾君主毅之別號也齋何以耐
名也主毅君自游鄉校耿介不屈暨任福建都斷克
慎庶獄清白自持嘗奉檄督部官料上入京師毫髮
無取其守閩安夏鎮痛卑時弊私鹽禁貨罔敢有犯
時有閩海風清之譽及二守石州糾集民兵把隘據
險以遏寇虜岢嵐重塞賴以寧謐他日催理邊儲不
畏權勢亦可裨於國用爾乃年未六旬高蹈山林泊

可蹈水
火而當
豺虎亦
極烈也
先生此
記辭約
而意足
何異東
華津吐
一滴千
金

然世故晚節益堅夫世有四耐焉耐欲者則不屈於物耐劇者則不擾於事耐撓者則不折於勢耐窮者則不貪於位然則主毅君之以耐名齋者固有見於斯乎主毅君之子貴嘗從予遊焉問耐齋之記予謂四耐雖在主毅君師道當動心忍性無所不耐以底於道焉耐齋光永不可耶齋扁其年月日記在嘉靖十四年九月二十八日儀真公署

別解梁書院記

涇野子自解梁書院且行謂王雪巖子中既丘孟學

先生謫
解久而
去解后
猶卷卷
解也豈
但無忘
并州哉
先生志
在唱道
論辨神
情在獨
注焉此
之為別
正神情
之所注
也

王克孝曰三君子稔知書院之所起矣予於嘉靖三
年八月抵任九月即謀斯舉於前守林南江當是時
止創鄉賢祠一所中祀州及五縣名哲工未完而南
江逝矣於後即祀之前立禮和堂延子中及屨又質
張師孔主教童蒙兼率鄉約善民一時風行而屬邑者
俊士亦多至者朝夕絃誦朔望冠射彬彬乎濟濟乎
斯其地有不能容矣於是名公鉅卿鴻儒碩彥來觀
禮讓者歲無虛月皆隘是地焉而莫能闢也巡撫祠
公三至斯所獨悵然曰斯二可洪而大之以容諸

盡後毫乎。即捐其贖罪米錢紙計百餘金。移州擴治
焉。而諸士民見之亦多向義輸財。來效工食費。乃於
禮和堂前建仰山堂。其前四齋相向。一曰讀律誥。二
曰課農樹。三曰正婚祭。四曰均市渠。遂取鄉約耆民
所長者分處四齋之中。然仰山堂成而對山康子適
至。題其前曰彞倫攸叙。置對一首。則欲跼箕子而不
直為文中也。後堂三齋曰禮樂曰射御曰書數者。則
居蒙士皆於子中典焉。其禮和堂後有格物誠意正
心脩身四齋。則居學中生員願來者二三十輩。而孟

學統之其西則構養正館蓋以予方與孟學克孝同
寢處禮和堂乃以是為子中所居以授童蒙蓋谿田
馬子近至之所處也其東因構鄉約所焉於是扁義
門為禮義相先之地扁先門為解梁書院而初公所
建大坊則直達東街之通衢也其院中塋植條山之
栢溝引龍谷之水前者為方塘後統於祠屋採蓮種
芹無往不可蓋三年而始成予坐仰山堂之上見條
山當面蒼翠四圍日夕耽玩至忘寢食或聽耆民讀
先哲之文或和童子歌幽南之詩或課俊士誦周程

淫野雖
在此一
段正論
風骨當
必垂金
石而不
朽

之書。或得黎庶輸金矢之訟。悅若身際羲黃之世。而
莫知其他也。他日觀築堵曰板板皆吾心所在。有一
士矣。焚木屑者。則撻之曰。汝知此木之義乎。雖尺寸
未嘗科於州人。謂其樹曰種。則隸也。生則予也。力則
隸也。心則予也。毋折予枝。毋踐予本。夜隨擊折者。以
觀號。見逸或寢者。且答之曰。與汝是也。為逸乎。與汝
是。屋為寢乎。且汝有是身。止於工文詞謀科第。以為
人乎。抑以求汝身之所始。思汝心之所終。觀天地之
不遠。念父母之常存。明無人非。幽無鬼責。以求不同。

於秋草者乎。予性矣三君子并識之以告諸俊蒙稚
及乎三年之所常言

涇野先生文集卷之十九

涇野先生文集卷之二十

記四

遊龍門記

龍門古今
奇觀
者能
人先
對流
景不
安能
足睥
天壤
武庫
物夜
光涉

龍門在秦晉之間萬山之會禹治水極力之地形勝
甲於海內久懷遊覽而未獲內濱子曰天下之美不
努力一至情違不可補他日谷泉子西巡亦猶是興
也乃四月之初實齋王子以隨谷泉子之清戎也先
自安邑至河津以俟二公明日谷泉子自萬泉至又
明日予自解州倚氏至又明日內濱子自運城至是

溝道
茲厚
不厭
何如
生一
水也

日雨甚內濱子陟降懸坡跋涉泥濘不倦也旣且集
二公曰如來日齋天貺佳期矣來日者月五日也果
齋於是實齋王子先往龍門子繼往以同俟二公道
過辛村謁卜子祠召其雲喬撫問焉有題詩壯至清
澗風大作從者曰俗傳食豕肉諸禹廟必風予未諾
然以懾寒入福聖寺加衣兼錄途中作風滋甚返袂
蒙面衝風而往過神前村始至龍門山麓乃緣棧道
步屨而升一吏外持以防愒墮旣謁禹像風益焚輪
起撼松栢騰砂礫上蔽天日下掩河汾肅肅然森森

然真若蛟變虎嘯而禹在殿上使群恠持雷斧秉神
斤以闢龍門也然實齋席設亦無豕肉王子曰俗傳
於義無害亦可從未幾二公亦經卜子祠而至旣拜
禹升殿有携尊從者置之神几內濱子曰禹惡旨酒
可避之東下谷臬子曰禹所惡於酒者旨也此酒不
足以當禹惡酒行移時食且舉風息食有饅頭釘其
餚者豕又不風不知俗傳者何也土人又曰此地日
有潮風蓋兩山夾立而大河中出嵐氣縈迴空洞薄
觸即颼颼無所於散此或其真云若乃食豕犯諱厚

誣聖人於經無取焉。食既乃遊觀四壁。金碧丹青十
三雕謝。蓋自六籍群史四書諸子。凡言禹事者無不
開方絢識。且筆精意遠。非時二可到。殿記在元真年
間。此壁之圖必其並與。關中人稱岐山周公廟畫殆
不過是也。旣進謁後。寢見奎山氏像。止二嬪侍側。
而冠裳樓質。猶可想見古風。出廟西南。乃捫青蘿緣
曲磴。以上望河樓。卽谷泉子所改。吞吐雲雷樓也在
龍門東闌之上。蓋梁山中斷而東峙者也。前臨中流
上作石室。旋柱其外。以爲傳廊。室塑十閼羅像。俗言

至此絕險之地與死爲隣也樓外俯黃流凌白雲孤
山直對其前而雷首中條渺渺冥冥乍見乍沒皆入
望眸從人舉爵者三而風又作不可留乃附僕背蹠
蹬而下二公先適流丹亭實齋王子比至河壩以觀
逝舟予謂斯樓不可無識也乃獨上寫一絕於石室
東壁而下二公使人召予至流丹亭比倚石崖其南半
懸中流栢柱斜度其下上用板棚鑿板如井口以汲
流即取勺水於滄海也亭扁則白巖喬公小篆谷泉
子甚羨取焉下亭乃從內濱子比就實齋王子於河

塹路西即河其東皆惟石層崖萃嶺崎嶇不可以步
而內濱子飄裔如飛予力追不能及至塹則西山東
轉北遮河流不見來處踰灘環望四面皆山如入院
落其前則兩山拱峙真若龍門有煤舟自北絡繹而
來棹歌漁唱不可殫圖此其爲禹穴乎或曰龍門之
外河洲之上青草萋萋黃沙瑩瑩視河之高不過咫
尺若遇秋水泛溢雖百里之漲千尋之濤不能浸一
坏土焉是則禹穴者也內濱子曰禹古今之大智而
乃喪身於此乎谷泉子曰會稽亦有禹穴云在東

之壩方欲即舟北行以求所謂玄流三汲浪者或曰
在金門五七十里或曰在吉州百餘里不能往徘徊
悵望而西方孤雲與寒雨驟至乃即挽僕南返蓋天
下奇觀不欲人盡覩而風雨幻忽雲雷時出亦此山
之神粧點脩飾登來者之瞻乎然斯遊也不可謂不
索其隱而得其奇矣故既歸夜夢猶在此山之上明
日以告二公二公曰子可作龍門風雨遊記以發精
一執中之妙遂分題爲四韻一詩并謂大禹廟及谷
泉子龍門懷古者則又次其韻共八章云

遊燕子磯記

己丑之歲三月丙辰，虛齋王子崇邀弘齋陸伯載及予同遊燕子磯。蓋講之去秋而今始踐之者也是日晨興，予獨先往。北出觀音門，即傍山西行，其路礧礧偪仄，輿馬皆難。乃令吏扶持，迤邐而步，登弘濟寺階磴十數層，病足艱進。一皂前挽衣袂，一皂後擁推之。兩吏撓掖而後上，出寺而西，則觀音巖也。恠石礧崒，蒼黛參差，上接雲霄，而大江自龍江關西南來直過其下，俯按女牆睇之，頗可驚駭。僧曰：此其下基皆石

江山明
月詩酒
故人原
是士君
子望歌
太平之
具無足
多者至
以寬嚴
論政以
唐虞比
俗以精

義入神
為究竟
便有乾
坤胞與
氣象其
眼底煙
雲盡空
中樓閣
耳豈現
山玩水
放歌欺
人者流
哉

梵僧衆朝夕行猶坦途爾予嘆曰果然苟有基雖臨
深淵亦無妨也昔列子言當呂梁之上履危石足二
分垂在外而不怖者尚未似僧言穩爾乃從僧上觀
音閣閣亦傍巖下就江唇築基基上交豎九柱皆丹
柱上棚棧構閣閣三面皆闌干馮之瞰江若在樓舫
頂立也是時晴見萬里日映碧流江脉吹浪上下逐
波西望定山細如蛾眉東指瓜步小如丘垤他山皆
閃閃冥冥如落鴈躡鵠不可辯矣昔予在解州嘗遊
龍門酌底柱登流丹亭汲河烹茶以吊禹墳至此乃

勃然興懷將天下奇觀尚有過斯二者乎夫河北方
之經也夫江南國之紀也而龍門底柱以及茲巖不
可不謂之能觀濶矣而曰彼禹之親窮其源流者
又不知何如也閣之東巖上有石刻詩乃白巖喬公
篆書覽畢方欲和之而虛齋至未久而弘齋亦至乃
解袍帶復同升閣上流覽嘆賞久而後下虛齋欲列
椅懸巖下對江而酌予頗難之弘齋曰此何妨昔予
至天台鴈蕩天柱一峯突兀萃律四面如削其高不
啻數百丈亦嘗茶酒其下予聞之又飄然志在天柱

二語明
列一人
光復

參頭矣。嘆曰：安得素心人共晨夕於此，以終身邪？虛齋曰：近亦厭俗累爾。予曰：此又非物來順應之意。大政則亦有然者矣。惟當求諸已，不當疑諸人。我無滲漏，他何足較？弘齋曰：大抵置得喪窮通於外，物而後無不自得也。予曰：然。今之為政者，徒知征民而不知民之所以征，徒知杜請謁而不知請謁之所以杜，是故寬行於催科之始者，仁也；嚴立於請求之先者，信也。是時虛齋方有少叅典糧之行，故及之。已而虛齋又列席於觀音堂。予曰：此非唐虞也。二君因論及禹。

以至聖不可知之神予曰則何以能神弘齋曰物至
無不知則神虛齋曰精義入神予曰精義乃入神之
路非所以盡神也若無所不知亦自神之用而言爾
必也其至誠乎惟至誠則能公且明明而不公非神
也公而不明非神也是故雖妖孽或有善焉雖禎祥
或有不善焉故至誠如神也是時酒殺既行僧茶再
至而予和白巖公詩亦成卒爵欲往燕子磯虛齋乃
招二篙師來泛舟而往舟中猶傳杯不三爵而至觀
音港解舟登岸先至水雲亭其處為

前溪所書精采如神存乃面江小坐與觀音巖看江
又不同矣遂上謁壽亭侯其祠左移有大觀亭亦前
溪書至此看江日隱斷雲煙霧霏微蒼茫無際與水
雲亭又不同矣遂攀松捫蘿以上燕子磯磯皆巖石
疊起水圍三面其石罅猶見江轉磯底此可以高覽
八極無礙也乃弘齋欲坐於磯盡頭予力挽之而後
坐中磯道士曰五七年前江衝磯前故磯下水深不
可尋丈自立關廟後水頗遠磯而去今南徙磯東數
百家矣然斯言也特欲靈雲長而實不知雲長也二

君皆補和前詩。虛齋又命行酌。然酒鑪中火寂。三召之而不至。頃一介來曰。有尊官三人者。已遣人至此。掃庭除治器具。夜即來也。可先去。是時已暮。弘齋便欲拂衣回宿。觀音巖予與虛齋皆不可。虛齋曰。此或其道士誤遣此介爾。召道士而數之。道士屈予遂作登燕子磯詩。以發笑。火至酒熱。傳杯興酣。北望泰山。東聯蒼海。灝氣縈迴。靈光掩映。蓋又不知此身之在天地間也。抵暮而下。則虛齋又命列豆籩。旅殽核於水雲亭矣。予曰。此又非唐虞也。蓋平日與二君交遊。

常曰唐虞時言人之短不為刺言已之長不為諂故
禹或曰吁而皋陶不怒皋陶或自曰都而禹不嫌後
世口雖溢美心實隱情在外有餘在內不足學廢政
弊皆此出也故飾情之辭過禮之費彼此有見稱唐
虞規遂命僮子撤其繁品三人兩几一燈長江已而
盪櫓槳呼歎乃泊舟投磯者皆次第而來虞齋曰舟
中之人至此亦可謂得所止矣予曰然恐懼憂思好
樂忿懣於是時皆免乎二君乃補和予磯上詩而予
方懷前溪水雲之書欲題而未竟也乃皆入道院就

寢夜中鳴雨大作頗擾夢寐晨興詩完書卷于倚磯
亭中垂畢有報大常西唐牛公毅菴黃公自祭天妃
廟放舟來矣二公聞予三人者在乃即枉顧於倚磯
亭揖罷乃遂邀往大觀亭云有設也予三人者送至
水雲亭暫憩二公請延上座固辭西唐曰此繁文不
可有予曰此文却不可無爾遂酌二公而後赴大觀
亭之宴因述昨暮道士之事為一大笑云子問自西
來新亭何處為的西唐曰據盧循傳其敗在江西南
而後東入于海以今馴象門外為是予曰志稱勞勞

亭亦近是、此或然也、於是西唐或舉海上諸寇、自尉
佗以至孫恩、或舉太行諸賢、如岳飛、劉因、京房、束皙、
許魯齋之輩、而不以為誇也、穀菴或言曲江何真開
嶺保障之功、或舉昌黎元城東坡避地之美、而不以
為謙也、於戲、自

聖祖開國以來、混車書於六合、兼江河于一統、故予
得與諸公登斯亭也、言徵今古、氣吐風雲、人秦越而
志合地南北、而道同、雖約之於半年、乃遇之於不期、
情本玄通、義則神授、笑語無擇、斟酌不筭、則予常稱

靈谷本
奇先生
直安絕
現清極
金步妙
靈谷本

唐虞之風者不在斯行乎當是時也霧雨飛冥魚龍
上下長江與天同色燕磯與岱埒高果心曠而神怡
真忘形而無我遂歌伐木之篇載詠山經之曲而不
知其聲之魯也歌亂虛齋弘齋皆賡之不已以贊投
壺而散然獨予酩酊殊甚興過佛國寺而後醒

遊靈谷記

三月之暮五山潘子約諸僚同遊于靈谷予以足疾
不能遠馬賃輿先往蓋靈谷之松亘四五里周幾十
餘里東至木公山以為界森鬱茂密不可數計而縱

今人把
誦神馳

夢到靈

亦矣太

山岩岩

却有三

萬株松

杉則所

謂衆山

色相也

先生看

疑重重

矣

撫懷高

而有遐

思多情

哉

橫絡繹雜列間植微瓴甌甃路則不得其門而入矣
實予心所耽樂而酷嗜者往年同南橋李子日午而
始往不久即返未盡其奇於心恒不忘故五山約亦
不俟聯鑣而獨先也至第一禪林門即下輿步徙里
餘就蔭佇立四面睇望虬枝蛟枝如麻如葛然體幹
瘦細多不可棟間有三二合抱連圍者則又為群木
壓挽匝擠不能直挺予嘆玩焉而又步徙其下瑤草
仙卉碧紫爛熳或並藤蘿纏膠縈蓋問諸吏皂不知
但曰野花則又嘆曰彼抱美含芳于幽獨而不名者

其殆此乎。比至方丈門，見洪武十八年至二十九年
高祖七勅，備言栽種松竹果子之由，禁止薶取松枝
牧馬打草之事。乃然後知此寺風景所造甚遠。而今
日公退遊覽，猶蒙其蔭也。再進至青林堂，見簷前懸
榜。

高祖親制山居詩十二篇，賜覺義清濬者，益悉靈谷
幽勝，乃知此寺非偶然也。及登堂而覺義可浩出拜，
曰：公忘往日竹澗之遊，乃久不至邪？予曰：一年一度
到山中耳。未幾，五山及雙山秦子在軒，胡子雍里顧。

源頭活水

于郭山况子皆至南橋以目疾不至乃為團聯坐蓋以况子孫予及五山也予曰山遊猶熱古禮在軒曰此郭山之盛德乃遂舉達磨面壁之事學亦良苦予曰是蓋入定之功然使其心有所定雖終日入市朝猶寂寂爾使其心無所定雖終年面墻壁猶擾擾耳雙山曰聞有寶志公像安在雍里曰殿後予曰亦常見其像矣清臞殊甚在軒雙山曰果亦出塵郭山若曰况居廣居者乎而未盡言也五山遂舉其鄉寒山拾得及豐干和尚昇天入岩之事以難衆予曰太虛

若然果
對燒春
磨者安
所施乎
日亦可
以酸無
良勵好
情者

人物實一體也太虛之氣不得不聚而為人物人物
之氣不得不散而為太虛若曰仙佛白日昇天彼太
虛茫茫何所安着安得不謂之散而無邪但世之忠
臣義士聖人大賢其所養者既固則其歿也氣未遽
散有時焄蒿悽愴猶露精采人皆神之雖鍊精葆氣
之士其道雖殊然而死亦不驟解散或依草附木托
親倚故時一見焉好事者益張大而奇異之故有今
說然其氣未有久而不散者今夫呂嵒鍾離何以不
數見邪雍里遂證以遊魂為變之事或曰堯舜只他

幾千年其心至今在者何曰此却是真神也若欲堯
舜復生而見其形不可得矣何以曰羹牆見堯也曰
譬如人子將祭先人其夜夢見父母依舊行坐依舊
說話又或入室而聞嘆息之聲是時父母已不存然
而夢中白日猶能見者蓋神交也夫心之誠即神也
子之神即父母之神也若欲見他人父母雖用意作
夢亦不可得是故天子有天下故能夢帝賚良弼若
士庶人自無此又曰鬼神亦甚顯即看天地便見看
日月便見看吾身便見在軒曰程子何以曰若道無

時安能信得及。若道有時，賢却向某計。予曰：此又非
天地日月之鬼神，乃世人所常云云者也。於是諸君
頗有然與之意。而與遂曰：不知文帝前席賈生時，曾
論至此否？已而五山又舉海門牛渚潭產龍無數，傍
石厓近水處皆龍窟，或出沒焉，或卵育焉，舟過其下
亦不傷人。他日黃龍初起，有楊氏者射之，中其一目。
黃龍遂將楊氏舟挾置山巔，然至今楊氏亦無害其
餘數十舟。當時反皆覆沒，不知何也？予曰：龍德而正
中者也，豈有所擇乎？曰：是則數十舟之覆，不幾遷

以龍神
物以珠
紀德不
可與參
能者同
口語

怒邪曰龍精于目而不見乎石其被眇也未免奮怒
震騰風雷雲雨並作數十舟者適當其處故覆楊氏
舟或近岸傍山故不及若龍有意則楊氏舟不止此
矣但楊氏射龍自是不可此物能興雲雨以生人而
乃害之是將受學於支離也亦異於周氏之軒蛟矣
五山又曰龍見珠則始成龍予曰龍始生角翼未具
既久有角而為蚪有翼而為應九陽之氣既完而有
珠乃始能變化升騰耳故語曰掘驪龍之珠猶為道
以明著為致曲之驗也雙山雍里曰龍自有珠為是

然是時已過午遂出遊大佛殿又其後登禪堂崇峻
弘厥爽人心目而寶公石像正當其下為吳道子所
畫果非塵世形態旁鐫自著十二時歌予謂諸君曰
天地且以十二時分晝夜此歌雖向晦宴息著亦忘
予恐其并日出而作者亦非矣又北觀寶公塑像在
浮屠塔下旁有長梯壁立不可上乃已遂出東觀八
功德水之九曲曲上一松奇古或云

高祖掛衣處其前辟礎散布半掩苔蕪欲求其故不
得召浩浩以足瘡辭不至則遣一僧來問松不知問

礎不知問壁間畫亦不知曰如此則曰如此曰非是
則曰非是予笑謂五山曰此亦子鄉之寒拾邪又曰
如此却是真僧爾遂至無梁殿殿皆甃甃作三券洞
不以木為梁只此一殿費可萬金其規制又多自齊
梁時來

國朝離或補葺然必不加也五山見木主書諸尊者
名氏猶以問僧僧亦以不知對遂皆笑而出乃上西
廊觀吳道子所畫折蘆渡江及鳥巢佛印三教畫壁
雙山曰此三畫猶可此則不可此則者謂三教壁也

予曰雖猶可者。亦皆僧欲輕帝王。小公卿。而實未能忘之本相也。乃還登青林堂。詰浩請之。何以不來。浩頗辭屈。五山乃又行酌。且飯。酌未半。有滿親住持者來。叅持學士顧公詩以觀。蓋顧公九和依僧語作二偈。爾觀畢。滿親請茶。許之時。日已大西。遂行。而浩乃送至琵琶街。自鼓掌請聽琵琶聲。口兼呼諸從者亦鼓掌。予曰。月泉足又不瘡手。又能琵琶矣。浩亦大笑。然實未有聞也。因問此殿前何以有此聲。浩曰。空谷作聲。爾曰。此殿以上凡四五層。其上者何以無此。

聲浩不對。在軒窗山皆曰山谷之聲太近亦無太遠亦無虛實之間遠近之中乃又夾以長廊俯以崇臺此感彼應氣使然爾遂西至竹澗有開闢僧鑿板竇以通飲食竇上懸樓雲處三字予曰此室中亦有雲邪浩曰雲則無處無之曰若果樓雲不必用此板隔限矣五山遂屢以偈語詰浩浩不能對以他語應遂出時滿親以邀茶至見壁上懸二尊官詩浩與滿親猶指矜云云曰僧但不到家到家便見其家中所有無爾遂還予先至朝陽門俟諸君而後別五山名頴

字叔愚寧海人雙山名儀字相之臨桂人南橋名清
字介卿龍陽人在軒名廷祿字原學雲南人雍里名
夢圭字武祥崑山人郭山名維垣字翰臣高安人予
則名柟字仲木號涇野高陵人

遊高座記

五山子既有靈谷之遊予欲南遊高座寺未有期也
乃四月五日子造有斗酒隻鷄欲邀諸僚於部選官
廳而予方查吏冊未畢畢則諸僚多歸止復邀五山
在軒二君以共酌已又移酌於省中竹塢已又移酌

學識先
生每所
撰記忘
漫而神
到語博
而肯深
在高座
時便神
遊八極
况絕于
古不覺
文之傾
側也先
生嘗曰
仕亦學
也學亦
政也以
其才與
學與識
到處皆

於雙松二枳之前蓋皆前此未到之地清幽無塵鳥
鶴時來真市朝中之山林爾既而曰予欲數日邀諸
君於高座登雨花臺以看江也傾之有交餽鮮魚者
暢然曰此其促高座為來日乎夫古有肥腍肥牡以
速伐木遷喬之友予有白鷺鮮魚顧獨不可邪遂發
請明日公退南橋先至予始至未幾五山在軒郭山
至未幾雍里雙山至是日南橋初得三月中郎報於
是談王道頌

聖學或論人材之進退或言政事之因革辯而不激

政與學
也

直而不剝、身在高座之上、而心如遊司聽之中、蓋諸
君勤政體國、遊觀未忘所事、如此饌既、乃北入永安
寺、上木末亭、亭在聚寶山巔、長松巨杉皆在其下、然
不可一蹴上、猶令吏皂夾扶、三四憩而後至、每憩必
依松靠栗、或蹲或踞、又或迂徑躡石、乃能再步、登亭
四望、草樹殿閣參差、晻映蒼翠無際、絕可圖畫、乃嘆
曰、身果在木末乎、然微此山有基、豈能至此、乃重有
感於務本云、亭中三爵以解倦、而僧出淹道近、酸頗
有野趣、啜茶、茶不及山下、茶遠甚、蓋水難也、遂還至

高座乃飯。予嘆曰：江南自有此奇，以供遊玩。是以往時雖名賢碩彥，亦沉溺其中。其君亦或開宴於松陵岡，或舍身於同泰寺，偏安江左，不復知有中原。山水誤人，人誤山水邪？若江北雖有高山穹林，人多勤苦，其中不知登眺，亦且不暇。郭山曰：江西亦然。然尚有樸意，既而曰：即日雖遊覽登眺，興豈盡在是乎？已。雙山遠出，先去五山，在軒南橋入座於方丈深處。雍里乃復言及六代盤遊如彼，而今六合混一，且有茲遊，固不勝於往時邪？鮑謝諸賢，不足道矣。予日時之治。

亂亦係文之高下。異時靈運以傲、休文以冷、鮑江以怨、吳孔以怒、莊融以碎、陵信以誕、劉孝綽兄弟以淫、湘東王兄弟以繁、晁淺而捷、總詭而虛。故六朝危亡、易於反掌。諸賢當任其咎矣。諸賢者一時之耳目也。然至唐而始少變。猶未盡復焉。雍里曰：唐之元結、意頗高雅。文亦脫俗。曰：次山者，甘泉先生之所好也。往在京時，至更舊字。元明為次泉，以比元子。如籛記丐論，以及五規二惡，雖謂之明道亦可也。當其造詣高遠，不在昌黎之下。而磨厓之頌，漫郎諸詩，李杜豈能

及乎雍里郭山皆以為然予曰斯遊也亦不可無詩
以紀於是雍里已有吟意乃復入尋三君於方丈深
處然亦劇談恨又未聞爾遂同詣雨花臺臺已為遊
人所據塵囂不可登悵望而歸步過安穩寺五山曰
此寺必佳乃又往入先門見雙栢細縷懸下如垂柳
初皆不識也僧曰娑羅栢爾是寺僧皆衣藍言貌亦
異而遊人絕踪乃引至後山其巔比雨花臺更高數
丈寬五七倍隔松杉看江若練帶森森晶晶從西南
來五山喜曰吾固意有此奇景爾遂藉草列坐共為

眺覽笑曰、雨花臺之阻、恨寥矣、遂還、

遊鷄鳴山記

鷄鳴山為南都之勝、久懷遊覽、改官南曹、三閱年矣、未能以償此願也、予僚郭山况翰臣於四月十三日、公退之暇、邀諸僚同造焉、予策馬以赴、而五山已先至、乃登憑虛閣、以眺、浩然嘆曰、我

高祖開創之遠畧、規制之深意、於是乎在目前矣、故

增都城於東南、而建宮闕、面方山也、取四方山河意立太學

於西北、而營堂齋、倚鷄鳴也、取農典勤苦意陵寢在東、因鍾

九登此
山者想
見我
高帝遠

各不遠
伯王
久伯王
非勤類
石此

阜也、倉廩在西、邇長江也、演武於內外、教場無處而
非警惕也、祀功於上下、山巖無時而忘勲勞也、後臣
當何如以保此志邪、於是五山為予指點龍之起伏、
極言風水之盛、既而曰、但外城甚遠、居人稀疎、防保
頗難、曰、此亦可謂遠慮、明時方以忠信為干、魯禮樂
為城隍、且聖祖意甚廣大、若非遷都北平、此地至今
即儀鳳麒麟之外、皆其比如櫛矣、已而雙山南橋至
已、而在軒至、乃又起馮欄、問商陸、辯王瓜、既坐南橋
頁者虎含言生侍

孝慈皇后之崩、

高祖使人察諸監生之妻無哭泣者遂斷績麻之賜
予與五山曰此真父母與子一體之心其當日恩
德可想宜其能肇造乾坤於後日也酒行食有桃仁
在軒曰此桃杏皆曰仁其意甚美郭山曰取生意爾
五山曰瓜亦曰仁麻亦曰仁皆此意予曰黍稷稻穀
却皆曰子槐枳却皆曰實蓋惟誠則仁惟仁則能生
育而為子其義一也此古人所謂糟粕煨燼無非教
者先聖名物豈偶然哉已而在軒顧憑虛閣曰今有

先生一步一語
不忘學政二字
真意到
景生三
十六宮
鄰是春

此論此閣却不虛爾曰微此吾輩又安能有所憑而
言邪五山曰此閣異時絲竹歌舞之聲日不絕響吾
在監齋時猶恒聞之今日却漸好矣曰官僚若有公
暇小適可借此談學論政觀覽景象以暢襟懷縱監
中後進聞之亦知矜式若流連劇戲如六代淫遊真
可鄙爾雖以雷次宗之開館齊子良會文學之士以
抄經史於此亦非不美然資浮靡而工藻麗則又何
益諸君皆以為然已而雍里至是時先坐者皆有酒
而雍里獨醒予曰吾六人者當各陪雍里一爵雍里

執不肯皆再請之。雍里曰：「某固當有後至之罰，但量淺爾。」予曰：「雍里之言婉而不迫如此，乃已。」爵再行，遂此上浮屠塔，然病足艱登，乃令吏皂牽挽擁擡止。到第二層，兩股蘇蘇不能舉。在軒雍里獨至其巔，已在軒亦來。六人到坐塔中，傳杯三巡以解勞。在軒曰：「程子所云相輪，即是此。」予曰：「今與諸君已坐酌，其中矣。」又曰：「雍里久而不下，將貪詩逃酒邪？」雙山曰：「此四字下得甚當。」予曰：「予數入者，皆四海九州之士，一時會晤於此，得以論心觀物，豈非得哉？」所願盡去世調一

意太真爾。諸君又深以為然。已而雍里亦下巔來。予問曰：不有所詠，必有所得。雍里曰：其上所見與在下一般。但鷹隼之飛，湖山之勝，益親切爾。予曰：子可謂極高明乎？既而下塔旁立，指塔曰：適到某層。某層，雍里曰：在塔中，不知其高。自下而望，乃如此。太高邪？曰：高處皆自此起。五山遂招遊於塔後竹林。至則林中茁荳如孟如孟，五山命一僧看守，無令從者傷折。且曰：此以慰其心爾。在軒曰：此林中又雜以一果樹，更好。予曰：在軒每有奇見。又曰：古今人不相及，今日竹



林之遊。昔賢恐未有此。於戲雖酩酊之中。不出準繩之外。乃真遊爾。已而僧折筭送茶果。分外清遠。茶畢。五山言有僧秀林者。善琴。可徃一聽。至則秀林鎖門出賣藥。長安市去矣。予乃戲寫一絕。於是五山又促行者追召秀林。未久。秀林果至。焚香坐。操顏回一曲。五山謂予曰。可反前詩矣。予又戲寫一絕。乃知凡遇不遇。皆未可定也。遂還至憑虛閣。以飯。飯已。命吏取卓上穀果。分散僧衆。及從人。蓋不知其為郭山設也。時予已醉甚。微聞五山曰。此意甚好。然瞠目而視。見

南橋獨醒曰南橋常陪酌南橋以手指目曰目疾雍
里謂南橋猶系心於目也予遂為短賦而自吟之於
是郭山曰他日之宴未有若此歡晤之甚者豈其地
宜有今日邪予曰程子不云此地不知前此曾有人
到此說此話否遂皆出閣揖散馬過十廟時月已盡
光華矣照至其家是日倦醒無病再日而後能興

遊牛首山記

牛首為金陵鎮山每登城中高處輒見山之雙角如
牛狀往時僚友陳魯南數言其勝且言獻花巖尤奇

惜寶王家貲盡為他人所有。予謂雍里曰：此僧未了者，名利心爾。既又曰：僧先住梅花水，是時無水，住十日，祝佛水即出，且洪大，懸流有群鳥來翔，自為鄭太監所邀至此。向時水閘亦減少，曰：白雲來此幾時矣？曰：二三十年。曰：亦有前異乎？曰：無。曰：住梅花水十日，且有水出，鳥翔之異，二三十年於此，乃無一異何邪？曰：僧悔至此爾。曰：然則爾心未了者，雖謂之此可也。已而五山、雙山在軒郭山，皆至，既飯，乃行。雍里以其與易子與，予辭不得，曰：古道也。乘之先往，乃至牛首。

之背嘆曰俗言

高祖恠杖此山獨不北拱此或誤傳乎蓋天地間萬
山環列而江河四統其中則堪輿也此牛負而戴之
首宜其南向爾再行里餘山益陡峻輿夫力罷予與
五山下輿令吏扶持步徙少息輿夫因訪識擇樸二
木于五山然輿夫遂長往不待雙足刺刺脫脫不能
舉武使呼輿夫輿夫始候乘因曰以佚道使民雖上
山亦易也比至弘覺寺即古佛窟寺也偕行有嘗先
至者自下而指之曰某為文殊洞某為兜率岩某為

捨身巖予視之高幾千丈壁立峻絕決不可登舊傳
高一千二百尺周四十七里者豈盡然邪在軒曰尋
當至是爾比入禪林先門過天王殿石磴百層如甃
壁然予又恨足攢眉懼不能登於是令兩皂擁擡一
吏引袂而後上有長杉數十章并古松夾植堂涂幹
挿霄漢葉蔽雲日而竹梧楓梓亦附植錯列可棟可
梁可宮可廟陸可車輿水可舟楫文可琴瑟武可弧
矢嘆曰美材盡在於是乃見於佛氏之域耶過金剛
殿階躋亦峻嶒陡絕其右有虎跪泉僧云草衣文殊

講授之時有龍女送水雙虎跑地而得此泉味甚甘冽然此或僧神其水而以名也上大雄寶殿其月臺有銀杏一株曾被火焚其身復生枝幹而身畔燒痕猶存然可五六人圍葉散布蔭蔽墀砌雙山曰此樹當時止燬其幹其根未傷故有此詩曰顛沛之揭枝葉未有害本實先撥已而蘿里遂舉酌於銀杏之旁而在軒獨登文殊洞堯罕岩自山巔松杪青巾白衫揮扇而下衆共瞻之至席遂談岩洞之幽勝而五山雙山郭山皆有意興飄然起觀塔影去矣在軒舉舊

有二友見美也途中群行一友閉目而過一友正目而過正目者曰此亦人子也見之當視如已之家人親戚亦何妨予曰此閉目者亦未為不是雍里曰古止說非禮勿視爾予曰昔子弟栖年少時隨予在太學嘗出行不拾遺黃金環後馬谿田以告監丞陳陝州先生先生謂諸舉人曰栖事亦佳更不如拾而懸票子衢令遺者得之尤好予曰陳公之言用也子弟之事本也則無異於在軒之二友矣於是雙山談及塔影予曰此不惟閉門有孔視之則有不然則無須

視之果然。蓋塔尖自門孔中透入，故有倒影。爾於是同諸君上石蹬，瞰辟支像出，憑石欄遠眺，見萬山之間，來年已黃稻畦方青。予曰：此果江南之樂土也。在軒曰：有山可薪，有限可田，果然。遂西至文殊洞，懸石磴，垂不可入。而五山雙山邀予坐其中，摩文殊之肩曰：爾安知吾輩至此邪？又令從者移去洞口香几，遠眺江山，畢見出洞。予足已跛矣。雙山五山又邀往兜率閣，捨身岩。予不能去。雙山曰：為其名不可邪？曰：其實不能爾。二君躍然往，遂登其巔去矣。而在軒雍里。

郭山亦自他岫去。予遂引一僧以還其鷄藤山虎之
細。檉葉栗花之微。皆自是識也。至碧雲堂上前屏。遂
書一律。既而諸君方還雍里。乃洗酌碧雲堂上。而五
山在軒。各言所見之勝。在軒曰。兜率之上。是何物。五
山曰。予手浣佛脚之水。身臨昭明之池。予嘆曰。二君
所見雖有不同。然大畧皆已到山頂上矣。視予全未
往者。可柰何。是時佛前麥燈一樹。五山曰。適北來途
中。見收麥甚喜。窮民足充口矣。郭山曰。見男女勤苦
塲作。又用礮礮甚可愛。此江西所無。曰。此則江北盡

然耳。通身此才質與衆思也。右車曰：可移去卓燭，獨
觀麥燈好。去燭而麥燈頗暗。五山曰：當再添一燃。在
軒曰：恐傷籠反不可。諸君皆曰：可謂能防患矣。予曰：
每添一燃則增一明，雖三五燃可；雖百十燃可。若手
巧目不妨籠，但籠周柱條則當減耳。程子所謂減一
條少一條暗也。諸君大笑以爲然。是時五山與極高
遂同雙山分榻於辟支洞西，而在軒亦宿。萬山拱秀
方丈，晨興雍里郭山，因言及爲學之事。予曰：竊謂自
古道統之傳，無過好問好察，捨已從人乎？蓋此非克

已者不能也。遂同二君往問三君宿處。先過在軒而五山。雙山適亦下。岩來憑軒南眺。見群山羅列如揖如踞。皆在目前。而青雲紫霧或流山腰。或冒峯頂。在軒雙山又恨此障。予曰。此本山谿所能。且其粧點變化精神。具在正。可細覽。若赤日特照。則焦土頑石並見。又何觀邪。五山亦曰。然既茶而出。欲往視五山。雙山宿處。二君曰。既歛衾枕。其處亦非吾所有矣。乃自下瞻望良久。而南橋自城中五更起至矣。蓋日昨爲太夫人忌辰也。雍里復邀至碧雲方丈共飯。五山又

欲予同觀佛脚泉、昭明池。然予足不能行矣。止遂西觀龍池。白石爲坎，深方數尺，水清見底。冬夏不竭。其旁皆石崖，壁立高數十丈，穹窿幽險。五山曰：「此正龍起處，是行也。」微陰有涼颼，雨夜中作，遂霽。

遊獻花岩記

南橋催赴獻花岩。予與五山獨先出禪林，翠微以往。遇陡絕，則又下輿小步。五山乃出夜中所爲詩三篇以觀，有慈民之心焉。有復古之志焉。雖上輿猶諷誦之不已。比過長庚池，則又下輿並觀池水，乃遂至獻

流麗之
文飄飄
羽化時
時若欲
飛動人

花岩洞洞當岩下三尺石轉為深室內有懶融僧像
洞東石穴為門出門則敲花岩亭也而白岩諸公皆
有題白岩題則自篆者也坐定僧德遠送茶而雙山
南橋在軒雍里郭山皆來杜望牛首婉如圖畫懸掛
目前已而入寺登殿僧衆皆擊鍾磬誦彌陀魚貫而
進遂上觀音閣看牛首益真切南橋乃令設一几環
坐取酒解勞旁有紙帳石床一僧宿處於是者十餘
年矣或嘆其難予曰此正可憐使果有所得猶不枉
一生不然祇同一禽鳥耳昨見牛首禪堂諸僧亦類

開色相
如玻璃
九轉燈
不盈不
注非拙
非巧為
吳道子
畫出

是何異土穴中獾鼠邪可惜誤用力於是而終無知也郭山以為然已而德達又引上翠微亭予與在軒各坐一磯五山雙山及南橋郭山遂上山巔攀松倚峯而立自予坐處望之又如在平地望山上人也及南橋又取壺榼至諸君亦少降周環各坐一磯傳觀五山三詩而後下德達遂獻茶於小星榼流觀蒲汀諸公番題有一僧在東室閉關已半年矣言貌如焯灼熊子曰此僧若能為學何所不可出赴南橋之席於官廳南橋談及

武宗南狩之事。予遂言涂水寇公應變救人之政。諸君皆以為賢。南橋又言陸司成之事。予又述何栢齋往日講書。并與虎谷王先生論馬陵格致之說。諸君皆欣羨以為未嘗聞也。是時日已近未。諸君先返。以赴來日坐部。予以倦病不獲同歸。送諸君將下山。還卧官廳榻上。未成寐。而在軒又送酒饌來。予不能禮。使者於榻上作謝帖去。旦日向晨。始能興。然猶惛眩無精采。有僧元太虛者。年七十五矣。謂子曰。近有一僧道山者。北京白塔寺僧。善說佛經。兼通三教。可召來。

此僧亦
八九平
寬圓通
夫

為公解悶。於是德達即往呼之。然予方欲便使僕持
杖防虎。適山後去。比還而道山已在門候。因問山所
說經。是鳩摩羅什時譯。邪。山遂自周昭王漢明帝佛
之出沒沿革。以及姚萇興父子崇尚之詳。歷歷道之。
不遺。予曰。僧亦用此多識乎。山驚笑。予曰。不防。有識
而後可去識爾。山曰。佛有五蘊。六根。六塵。八患。五十
一箇心法。八十八使。九十一思惑。識亦不可無。曰。苟
有識。雖千萬心。億兆根塵。患惑皆有也。若是則何以
能入定。山曰。但不視外物。返觀內照。又靜則得之。予

曰此恐未然夫人已睡着而心或在千里之外五欲之中者有矣安能內照山曰雖夢中亦要捉得住此心可曰此功當在未夢之前可爾既夢安能捉既捉安能夢山又笑又問牛首見文殊辟支二像何時僧也山曰文殊修行於五臺只今亦常放光山住五臺時近五臺數百里內時有五彩雲物張布或自露其身曰爾當時何不手執其衣而問之光何以止在五臺又何以止露身於五臺此花岩處何不露身山曰亦有對面認不得者曰你試放一光吾觀之山亦大

笑不對謂元太虛曰公知家中話又能破識矣辟支
者何曰辟支有二義一曰圓覺一曰獨覺夫佛者覺
也是又一乘法也予曰佛固是覺不知覺欲何為曰
欲明此性爾明此性欲何為曰人當臨終之時皇皇
張張手忙脚亂此時若能捉得住此性便不隨氣飄
散有所安泊矣曰安泊在何處曰佛有五乘有天乘
有人乘有聲聞乘有圓覺乘有菩薩乘見性者皆
之矣雖投胎奪舍皆可矣曰臨終之時不用捉拏
所之以還太虛如何曰可惜此性爾曰然則佛

教真私爾。夫人人皆有此性。與太虛同體。若明得盡。時則人人各得其性。生死隨氣。與太虛流轉。不消把持。不用着力。方是正理。方是手段。若如佛言。既去人倫。又奪人舍。遂比父母。懽如夫妻。淫諛已甚。又安有性邪。其狹小亦甚矣。山曰。佛界甚大。此中國止為東震旦世界。蓋有三千大千世界。有億萬對日月。有億兆箇天地。故龜茲之西。淳泥之東。無窮極也。故曰芥子以納須彌爾。曰。爾山却未悟邪。此正其狹小處爾。且山除東震旦界。再曾到幾箇世界邪。山笑謂元太

虛曰、公是家中語、曰予未讀佛書、此但以我所見難
汝爾、然山亦聰明、不知初從何師、曰山少受學於泰
楚山、故有今覺、曰楚山吾亦曾會、善臨王羲之字、嘗
出以示予、又對予談及建文永樂間事、此人恐非佛
學、山謂元太虛曰、公又破吾師矣、曰覺亦不難、雖六
祖菩提樹之悟亦不難、但持行則非易、爾山曰、山至
此已數年、亦數為各寺所請、講法華華嚴楞嚴金剛
諸經久矣、然言下輒悞者亦少、安得謂覺易乎、曰爾
所說者、經爾曷不與之說心、彼心明自有戒行、不愧

於佛雖非中道亦是修善昔寶志公說法天為雨花雖是譬喻然亦可見當時僧衆亦專篤法戒矣山曰說心正是不落筌蹄然山亦嘗就眼說眼就耳說耳矣曰爾當就心說眼就心說耳可爾道華嚴有四法界然以予觀之只有一耳山曰一在何處曰纔討一便不是一又曰山亦好箇資質可讀儒書儒道本大山曰淵魚各有性雖釣不上船予曰爾蓋陷溺之深者未可以言辯也遂下岩回復過憇白雲方丈又自謂其舊日功德以索矣予曰有是功德而為鄭監守

墳惜哉作一詩與之而歸歸後翼日初暑又翼日大雨不能晴乃知遨遊山林亦有天數焉初予恐及他人為予慮者皆過矣

遊廬龍山記

嘉靖壬辰九月六日葉子大暨黃日思楊叔用周宗道倪維熙過鷺峰東所曰子僻居未遠出今登高節且至盍為廬龍遊乎期九日往時小疾辭曰當十一二日乎曰雖十四五不可乘月行弋約已七日天大雨八日雨九日又大雨十日至十二日雨十三日霽

諸友曰涇野子智乎乃申前約遂於十四日至山開
宴於東道院老子堂中維熙曰傳謂夫子稱老子猶
龍又謂問禮於老聃果然否曰猶龍之說恐其徒之
溢言問禮之事今固存於魯子問篇矣由其徒之說
必欲尊彼而抑此其辭誇由吾儒之言也必欲虛已
而問人其辭平孔老公私之別於其徒亦可見乎已
而子大言莊列書亦多識見有筆力曰斯其人資質
亦高邁學孔氏之道不能乃馳騁已意纂捏人名虛
設事踪漫爲支誕之辭思與孔氏並傳蓋其原出老

氏於是世之資質敏達跌蕩者多流溺其中而不覺當其弊足以惑世誣民猶龍之說其殆斯輩之爲乎昔程正叔不讀莊列書蓋有以也酒行數聲殺俎錯陳有水陸之珍焉予詰之曰往與講顏子簞瓢之樂此設得無不相信耶子大曰若顏子之宴夫子亦必備物以致敬曰如顏子必備物而後爲敬夫子焉取於屢空而少西氏者宜非夫子所說矣酒半躡石磴上山諸友先往俟予予二僕攬扶而升路峻險甚至翠微已三憩叔用待予予嘆曰登山之難如此乎

叔用曰爲學如登山果然曰叔用於登山亦見學平
不可畏其難而遽已遂竭才以上至其巔巔磨盤平
即閱江樓舊址縱目西望方山青龍東峙牛首花岩
南拱其西定山迤邐綿亘黃岩裹江而東直抵瓜步
皆可見也內則鍾山翠律建極而起萬松森蔚

祖陵攸棲而長江羣峰四面旋繞真天造地設乎下
見艤衝巨艘往來絡繹指北而趨足可觀一統之盛
而吾輩學爲輔君以保治者誠不可忽也初

皇祖欲建閱江樓於此惜其費財垂建而止乃嘆臣

下無一人來諫夫此樓若建費亦不多乃

皇祖猶有此言若見後世無益之作不知當何如也
然則臣子或遇執藝之職者可但已乎於是諸友以
爲然已而子大曰此山如許之高既登而天猶如此
高也曰子大何相信之速乎豈非因予說顏子事便
欲仰之彌高耶時旁有藤蘿附松而生綢繆松身蒙
蔽其頂且著花焉目思乍不識也怪而問焉叔用曰
此樹本松也被他物纏繞遂并已身亦不能辯曰昔
橫渠謂人彼流俗習染如直木爲藤蘿牽扯解支蔓

時
趣

自可尋向上去者。其殆叔用之言乎。時有數鳶且飛。且鳴。旋繞空中。適當坐上。徘徊久不去。宗道曰。今日可謂見鳶飛魚躍。察於上下矣。予大曰。鳶亦有識矣。古人謂六馬仰秣。豈虛語哉。叔用曰。將此鳶亦知道乎。曰。鳶非知道者也。知鳶飛者。道也。予遂有日月雙鳶。度乾坤。一水流之句。須臾晚煙四起。皓月東升。遂偕諸友乘月而歸。作遊廬龍山記。

思政軒記

軒在府廨中堂之前。西偏。太守王玉谿先生之所靜。

一物飛
動江于
而素
丹頂
然青田
之類也
而人
為鳥
者以
鶴此
清如
之

也軒儲經籍律令數十本太守退堂而居軒中于是
考古于是準今思政之所未行者而行焉思政之所
已行者而質焉故軒名思政亦王谿子用甘泉湛先
生之言而扁也孔子曰政者正也其身正不令而行
其身不正雖令不從王谿子為秀才時已沉涵六籍
政之體具矣為御史時已條暢群律政之用行矣乃
又構此軒而思邪夫禮之無盡如林葉之難數也法
之無窮如蘭絲之難計也非禮之難數也理以時而
變者不可泥也非法之難計也法對情而變者不可

定也。故經者律之本也。律者經之推也。經以月律無
廢道。律以行經皆良法。是故君子思焉。傳曰。思曰睿。
睿作聖。夫王谿子之所思乎政者。其志遠矣。不然。軒
前之花卉春榮。而松栢冬翠者。亦其云何。

九江同知黃性之去思記

雲南大理黃子性之爲九江同知。未洽三年。進陞南
京左軍經府。越明年九江耆老數人謁予。大常南所
爲性之跪請去思碑。予諾之。而未以應也。未幾。予改
任太學矣。去年冬。予轉官南禮部。九江人又數輩謁

庶幾
事之要
庶為之
本此四
知一錢
可鑒也
黃君清
白果爾
倘其才

予於寅清堂跪申前請予曰往已諾汝固不可食言
且性之之貳九江又無太守之專汝等何思之切而
求之數乎對曰吾黃父母官亦嘗署九江篆矣不食
九江一杯水不用九江一片紙予曰居九江地不用
其水甕餐奚具為九江官不用其紙文移焉行對曰
府衙有井額辦有紙不擾諸民間是以言不用也予
嘆曰果若汝言則性之真九江之父母矣夫世之為
守令者豈無長才大畧然在位民或畏如虎狼惟恐
旦夕之不去也違任民或恨如仇讐惟恐他日之復

能並茂
刻循良
德也記
未及之

來也夫何故凡以剥民之財而餒其肌膚耳乃然後
知古之留犢懸魚者雖非中道爲貪天疵其矯激其
畏天命悲人窮之心殆亦聖人之徒也故予每見縲
寡孤獨之苦而恒切守令之憂然則黃性之知解州
事矣後予兩過解州解州士民言性之與九江人畧
等則性之之治九江可知矣則九江人所言當不誣
也性之名敏才起家雲南舉人

定遠知縣劉侯去思碑記

定遠民有九十四歲者張源撰其去任知縣劉君德

先生據
謂為文則
若果有
循良之
風哉彼
張杜之
銀鍊桑
孔之漁
獵曾不
若一令
也

輝政蹟一編九十有三畧率縣中父老數百人達於
署篆主簿熊慶演求立去思碑熊曰慶演有少年時
父呂涇野子者樂道人善盍往問之於是生負沈愚
者民孔銘爭走來予以多病辭數月又來曰劉令去
任久也。未嘗以是邀良熊薄他縣官也。不能以是速
民出於草莽之志求報鸞鳳之政如之何其拒我士
民也。且夫治是縣者宋有包孝肅元有安承事自是
以來寂寥不繼碑如不作不掩人之美乎按流民
曰承荒役之後民半逃移乃給票令其耕令親

恤或賑糧助牛未及三年流民孫演諸人復業計口
殆至五千拯疲畧曰目擊時難鷄犬不存每為流涕
乃罷除濫征冗費及諸里甲科害經歲隸不下鄉而
又春秋行省勸貸移牖其後牛羊蔽野鳳臨諸縣多
來就食息盜畧曰本縣界於江流之間益徒盜賊時
行流劫乃立保長甲長分領村鎮互為應救撾鑼為
號差功行賞如有被盜之家責償保甲行及暮年夜
無吠犬屯田畧曰飛熊英武及留守七衛屯田坐落
本縣然軍民雜處衛署隔別訟輒經年乃待之如一

無所低昂。分斷田產。惟秉至公。悍卒豪民。罔不懾服。化暴畧曰。禁斷土豪。喇唬不得侵奪。細民包攬差稅。陷誤良善。或誨諭以榜。或覺察以方。或懲戒以蹟。未久。潛孚革而變為平民。止訟畧曰。凡諸詞訟。止仰告人拘提。到即剖決。輕重咸允。犴無繫囚。塘塽畧曰。當農隙時。設塘塽。長鼓率使水人衆。脩理塘塽。至三百有五座。其難耕窪處。又作私塘數面。灌溉咸足。因致富庶。蝗畧曰。嘉靖七年。蝗飛蔽天。乃禱祀。遣捕備極誠懇。蝗入他境。馬畧曰。差徭大馬。多負京債。痛革其

獎民。用不擾里畧曰革除大小直日年省里費一二千金里用一人支候。餘務農業抄戶畧曰禁除里老群醫不得二季下鄉抄戶并斷時奉舊習飛錢走稅。為村落苦。門畧曰日輪陰陽生一司典門簿雖豪宦公謁亦必注籍私囑請託不容。吏畧曰設立考牌給付各吏升堂抱比。若有稽遲計件痛懲。事無廢閣。涇野子曰後世郡邑民庶未獲安養者。惟為長吏者徂於畏豪右。通奸讒。重賄賂。行請謁。肥身家。殘窮獨。雲貧賤。故爾。今觀劉德輝得定遠民心者。惟改是爾。嗚

呼諸畧豈惟定遠一邑可行哉雖四方令用之亦可也豈惟定遠一時可思哉雖百年思之亦可也德輝名煥直隸完縣人起家嘉靖辛巳進士今陞戶部主事慶演山東博興人本鳳陽縣主簿以賢能調署定遠篆相成其事者為新令吾省渭南賀君應璧甫

重修昭慧院記

昭慧院之建未詳時代在南陵城東三里俗以其在涇陽渭陽咸陽之壯也又曰三陽寺經歲既久垣圯瓦脫鼠穴佛股雀巢伽藍之耳正德庚辛間住僧滿

愍率寺旁居民銀柰銀孟常陳景陽諸人各捐貨物
召匠重脩佛殿僧房次第改新周垣百堵堅高倍昔
工訖磐石矣乃介銀生世華以問記呂子曰往年柰
嘗遊終南至草堂觀鳩摩羅什之塔覽法華經之栗
矣然塔院蕭條羅什骨存而不知其栗也雖彌昆吾
御宿之谿然今已爲王人者有矣况爾愍輩此役者
哉愍曰登覺岸者不以興替渝念遊菩提者所知奉
佛而已今茲衆生沉欲海而不悔焚忿坑而不濯投
利筭而不怨墜名淵而不悟死酣壕而不醒驚迷途

而不返。落榮網而不飛。其此七難不登諸天可乎。涇
野子曰。惟茲七難。正生佛徒。夫佛西方之賢哲也。幻
妄人生。贅疣有為。陰濁世界。見病山河大地。此其學
雖非陰陽之止仁義之中。然滅心以忘世。絕塵以逃生。
指相以如來。則豈今日為之徒者。可捫其牆哉。惟夫
校遠公之錫。而三蘋不聞。着達磨之衣。而一歸未解。
誦白馬之經。而百詐叢生。晝祇園而夜花市。身比丘
而心跼術。佛如有靈。亦忘慈悲之心。而加丘山之譴
也。况吾孔氏之徒者哉。於是滿慈等謝曰。微呂子之

言吾輩止知築垣究殿為事佛矣自命敢不刺其言
於是歸而勒諸他山之石

登真觀記

旨哉記也

涇野子曰幾也者君子之所慎重也故審幾者賢見
幾者聖知幾者神虛哉老子之於幾也何其肆焉而
不審乎老子之道可以自守不可以及人守可以自
庸不可以及人庸自守則鉅人守則孤自庸則行人
庸則塞故老子之於幾未同焉耳故幾正而動之邪
者有矣幾未正而動之不邪者未之有也或曰老子

為此文
者自中

有一老
子乎不
然何其
真透重
衷也

孔子與
老子有
異同而
無優劣
故孔子
亦曰老
子其龍
乎但孔

之於彛倫絕乎曰未絕故論子孫祭祀不輟言父子
夫婦也以道佐人主者不以兵強取天下言君臣也
先後高下之論主客之辯言兄弟賓主也故違吾儒
雖異其不同者寡也今其徒之於老子也守五病而
又滋之以五異焉夫絕仁之義去父子矣絕聖之義
去君臣矣絕義之義去兄弟矣絕禮之義去夫婦矣
棄智之義去賓主賢否是謂五病戊己黃芽之徒完
真之異也攘災祈祥之徒應附之異也五金八石之
徒丹客之異也叱風呵雨之徒術士之異也周章化

子之道
如布帛
穀粟人
可衣可
食老子
如食露
彩霞人
不可衣
不可食
而其玄
遠索峭
則一也
今之優
老者尤
謬

緣之徒。遊方之異也。故五病興其徒無究人。五異興其教無良法。其幾使之然也。易曰。差之毫釐。繆以千里。故君子不可不慎其幾也。故孔子之言遠如天近如地。履之而實測之而廣。其蔽寡矣。老子之言惚如夢恍如影。捕之而無實。取之而無用。其行寡矣。曰老子之教可以治天下乎。曰可。一曰慈。二曰儉。三曰不敢。為天下先。於治天下也何有。老子之教可以治身乎。曰可。如五色令人目盲。五音令人耳聾。五味令人口爽。馳騁田獵令人心發狂。於治身也何有。然則何

以病於其幾也曰孔子曰擇其善者而從之其不善者而改之登真觀楊崇曉修老子宫成記於是以觀趾功次記碑陰以講老子之道記碑前

涇野先生文集卷之二十